

清客外集

清客外集

馬 臆 填 詞

清容外集

桂

林

霜

紅雪樓藏板

序

史冊忠貞義烈之臣或異或同後先輝映卽學士大夫不能俚指其幸而傳播天壤雖愚賤皆知姓名者則托于詞客演于伶人之故然則一丈瓊璫兩牀絲竹關乎名教風化也亦大矣哉

國初三孽鼎沸其間殉保障而死職守與夫合門同盡者如繁星閃爍霄漢汗簡昭垂藏諸冊府海內閭閻之人弗知也若似茫茫古今只此岳鵬舉楊椒山輩數公撐持宇宙而已不亦隘乎 若生太史氣和而性烈每與談史事

目光射人唏噓壯激聲錚錚不可遏齷齪之士輒避去予
弗敢厭也今夏太史病瘧兩旬旣愈出新詞一帙笑謂曰
此店語也盍覽之予讀于乙夜乃知爲馬文毅合家殉廣
西之難而作揆勢揣聲如見其人如聞其語以至性寫奇
人故宜如是予咏嘆之餘嗚咽不能卒讀而家人僮婢咸
倚壁拭涕不勝悲哽其所感又何摯歟然特觀之紙上誦
之燈前耳假使優孟寫生聲容曲肖其感發懲創之有裨
于風教也又可知矣因勸亟付剞劂俾文毅合門靈光浩
氣由斯普現大千也豈非忠烈之所甚願乎乾隆辛卯九

秋燕臺張三禮書于越州郡齋



桂林霜傳奇自序



西興古驛也驛有丞狹隘迫蹙蹶躅隨牛馬走官斯者猥俗自厭過客弗顧焉予棲越州六載涉羅剎一江如履閩馬君宏堦來爲丞予輒止行李驛門數與語初以爲馴謹儒士也及君出扶風譜系相示始詳其家世於戲忠義之門顧亦官此耶君曰某家以文毅公難廕世叨恩襲某兄今列佐領固如舊惟某久困一衿鰥居二十年家壁立乞升斗微祿養子女耳豈得已耶予聞而悲之按譜馬氏顯列仕籍者自別駕公起家生廣文公至總督公門乃大

而文毅公挺然繼起殉厥封疆合門靖難年纔四十有四
嗚呼偉矣哉先是天啟辛酉遼左兵變廣文公晝夜守城
力頗瘁夫人趙氏聞訛言倉卒驅女孫入井率家人死者
四十餘口去康熙丁巳未六十年而廣西難作何其慘也
國初三孽跳梁諸臣死者纍纍然日炬脣鋒赫然史冊卽
釵笄角巾同任國殤者亦難厯數顧皆慷慨捐生雖難而
未極其至也若文毅半載空衙四年土室凍骸餓殍縱橫
階祀間虎俵雉媒魃沙魚餌日陳左右而屹然不動卒至
嚙血常山旋旆柴市偕四十口藁葬尸陀嗚呼可謂極其

難者矣長夏病瘧百事俱廢瘧止輒採其事填詞一篇積
兩旬成桂林霜院本酷暑如熾攜枕簟就襍樹下臥而讀
之侍疾者愀然而悲听然而笑予且不知其故也他日客
有過予者曰讀君空谷香如飲吾越醞雖極清冽猶醇醴
也此文則北地燒春其辣逾甚豈五齊之法未辨耶抑秫
稻麴蘖湛饍水泉之異性陶器火齊之殊用耶願聞其旨
予輒然曰枚臯飛書相如典冊辛毗寒木劉逖春華夫固
各有其筆也冬日飲湯夏日飲水甘酒母痰燒春宰凍所
宜有間焉子酒家南董也予店語耳若砭予文當求之和

與緩遂召馬君而貽之君不能出一詞淚浪浪溢卷端再拜而去乾隆辛卯仲夏鉛山蔣士銓書于蕺山之館



題詞

將軍奮說伏波孫捍賊孤忠正氣存六十年來家運厄一
般詩史愴精魂

紅旗耀日鎮南荒忠義人人自激昂肘腋變生軍跋扈空
憐腹內甲兵強

大義從容談笑餘圍城土室好樓居可憐淑女簪花格併
作孤臣泣血書

銀章埋處土花黏肯把恩榮與賊覘早辦黃衫堪報國不
教紫綺拜孫安

竈下養皆成國士馬牛走亦樹功名更將特筆書嬰臼千
古鬚眉盡欲生

表章潛德擅鴻詞演向瓊瑜事更奇踴躍梨園摹節義羞
將笑貌學分宜

臨汾 王直望 味陳

三孽雞連戡定難煌煌褒鄂滿長安偏將天末孤臣節演
出昇平百姓看

一門兩世萃忠賢厄運剛逢六十年碧血輪囷照今古須
知惡死勝生天

兒女牽衣遣遁時
儘教鐵漢淚如絲
誰知擊賊烏金鋪
駢
慘雙雛不皺眉

彙草簪花費較讐
名姬寶墨最風流
丈夫辦得從容死
土室圍城亦雋游

全憑浩氣植綱常
竈養堯童盡國殤
檢點髑髏三十八
枝血染桂林霜

人悲卞壺家全覆
時較文山死更遲
埋印藏衣皆國士
豈惟南八是男兒

穴地孤兒捧玉棺
西臺遺客作祠官
神絃更唱公無渡
砭

骨嚴霜六月寒

聖世哀榮恩數稠
雙忠廟食炳千秋
史臣更爲開生面
付與當場菊部頭

山陰 平聖臺 確齋

長蛇封豕起南滇
破鏡鴟鴞競附羶
賴有伏波好孫子
一條銅柱拄青天

凌兢難度三冬冷
顚領常聞五夜啼
點檢賤良男共女
後先凡十九夷齊

南冠四載鎮幽囚
生死真同大海漚
萬馬圍中衍筆陣
佳

人名士兩風流

二子髑髏血染衣頭顱擊賊手親提忠臣血嗣饒精爽豈
遜吳鴻與扈稽

精忠浩氣有潛移下格豚魚不自知豈獨霽雲能授命羊
頭羊胃盡男兒

屍骸橫野野鳥飛馬革包纏願亦違收殮由來是賊黨請
君於此驗幾希

荼毗都作腦臍香樞櫬昇歸選佛場夜半冲天燐火耀人
疑舍利吐奇先

桃花樂府數東塘仍滯南朝金粉香何似淋漓濡大筆直
教鵲鵲衍綱常

任邱 邊運寶 隨園

伏波銅柱屹千尋瘴雨蠻烟捧日心忍把勲名埋土室不
須重唱武溪深

六詔風腥到八閩淋漓畫壁亦酸辛節毛落盡惟存舌張
許尚時社稷臣

囚比文山多一年橘奴橙婢命同捐失身可以圓圓妓舞
扇包羞破鏡前

三世重遭慘異常宗支零落姓名香彥回多壽瀛王樂史
筆窮搜沒地藏

是滑稽文亦典型閒調鳳管續麟經勸忠真有廣長舌寫
向烏絲教老伶

酒闌讀曲燭花紅字字驚人午夜鐘兒女英雄恨都雪幾
人慷慨幾從容

雒南 薛宁廷 補山

烏金月落路昏黃雁影驚寒草着行千古英魂招未得人
間唱徹桂林霜